

دوسمادتده یکی پوسته خانه قارشوسنده
دائرة مخصوصه در

حل اراره:

مشرط القیم

۱۳۲۶

انظار:
سلکمزده موافق آثار جدیدیه مع المنونیه قبول اولنور
در حج ایدیمینی آثار اعاده اولنور

دین، فلسفه، ادبیات، حقوق و علوم دن باحث هفته لق رساله در

مؤسسلری: ابوالملا زین العابدین - ح. اشرف ادیب

تاریخ تأسیسی:
۱۱ نموز ۳۲۴

دوسمادتده نسخه سی ۵۰ پاره در

قیریلنه دن مقوا بورو ایله کوندریلیبرسه سنوی
۲۰ غروش فضله آلنیر.

دوسمادتده پوسته ایله کوندریلیبرسه ولایات بدلی اخذ اولنور.

سنه لکی القایلنی	دوسمادتده
۳۵ ۶۵	ولایاتده
۵۰ ۹۰	ممالک اجنبیه ده
۵۰ ۹۰	غروشدره

عدد: ۱۷

۳۲۶ ذی القعدة ۲۳ پنجشنبه ۴ کانون اول ۳۲۴

برنجی سنه

جنس ازدن بر بنه عرض احتیاجده مضطر قالوز . مثلاً بز قوای نفسیه و بدنیه منری حفظ و صیانت ، حتی تحکیم ایده جکز . قوه ذهنیه منری تنویر ایده جکز ، قوه اراده منری تهذیب و تقویه ایلیه جکز . قوه حسیه منری مطلقاً تمیه و تربیه ایدیه جک در . حالوکه یالکز بونلری بر شخص یاپه منری معاونت مجبوری در . یالکز بوعدالت و تعاون صورتیله در که صلاح و نظام عالم تأمین ایدیلیر . ایشته بر بر منری قارشی کوسترمک مجبوریته بولند یغمز بوتسهیلاته احسان نامی ویریلور . دقت ایدیکز جنساب حق بز بواصر ایلله نه جامع المعانی بر دستور مؤید بیلدردی ؟ مابعدی وار

خیال -- قره کوز

خواص بیننده (خیال) عوام و صبیان میاننده (قره کوز) او یونی که تربیه و اداب داخلنده اوینادیلیر ، باخصوص او یونجی اولان کیسه ده ظرفادن بولنورسبه ازهر جهت موجب عبرت و اتباه بر او یون در . حتی چشم عبرتله نظر اولندیغی حالده سیر خیالک جوازینه دائر (فناری) و (ابوالسعود) کی ازهر جهت ثقه دن بولنان ذوات کرامک فتاواسی بیله واردر که قطعه آتیه مولانا فنارینک فتوا سندن مستخرج در :

رأیت خیال ظل اکبر عبدة لمن هو فی علم الحقيقة راقی
شخوص واشباح تمر و تنقضى وتبقى سریماً والحركة باقی [۱]
خواص آره سنده کی شهرته نظراً بوایون تمثیل وحدت نقطه نظرندن ایجاد ایدلمش در . موجودی ده بروسه ده حکومت جاده سنده مدفون (شیخ کشتی) نامنده کی ظرفای عرفادن بر ذات ایش . اولنان روایته نظراً بیلدیرم بایزید خان غازی دورنده (حاجی عوض - حاجی اوحده) عوام لساننده (حاجیواد) و (قره کوز) ناملرنده ایکی نکره کونک علی طریق الملاحظة مناظره لری شیخ کشتی [۲] طرفندن پرده خیالده کوستریله رک میدانه کلش در .

اولیا چایی سیاحتنامه سنک برنجی جلدینک (۶۵۴) نجی صحیفه سندن اعتباراً ملعبه خیاله دائرنوعاً خرافاتی آکدیرر نقلیاتنه کوره ده حاجیوادک (علاء الدین سلجوقی) زماننده مکه ایلله بروسه آره سنده آمد وشد ایدن بروسه لی بر ساعی اولوب بین الحرمین اشیقای عربان

[۱] انا الهی کل الذی لظهر قدرته ومن شاخص قدحرت اکل صورة ولما تأملت الوجود بفكرة رأیت خیال الظل اکبر عبدة لمن هو فی علم الحقيقة راقی
هلی کل شیء سیف عزمی قدان تضى وفى اللیل غیبی صبح معرفتی یضى وکل الوری من بعد ذالست ارتضى شخوص واشباح تمر و تنقضى وتبقى جیماً والحركة باقی
[۲] بوذاتک تربیه سنده (قطب العارفین غوث الواصلین جنتمکان فردوس آشیان صاحب خیال شیخ محمد کشتی) عباره سی و ۸۰۳ تاریخى منقوش در

طرفندن قتل اولنهرق بدرخیننده دفن اولندیغی ، قره کوزک ده قرق کلیسالی اولوب ایمپراطور (قسطنطین) ک ساعیسی بولندیغی و بونلرک محاوره لری بیلدیرم بایزید خان دوری ظرفای مقلدینندن (کورحسن) نامنده برنکره کوطرفندن پرده خیالده کوستریله رک حضور بایزید خانده اجرای امیات ایدلیدیکی اکلاشیلور . لکن امام شعرانی (الیواقیت والخواهر) اسمنده کی اثر عالیرنده شیخ الاکبرک (فتوحات مکیه) سنک (۳۱۷) نجی فصلندن نقلاً : « خلقک حجابی آرقه سنده اولهرق جناب حقک حقیقه فاعل مختار اولدیغی بیلیمک ایسته ن (خیال ستاره) ایلله صورتلرینه نظر ایتسون » دیهرک باشلا دقلری باده ملعبه خیاله صبیانک انهما کارینی واهل دقتک بوملعبه دن معانی دقیقه استنباط ایتدکارینی مفصلاً بیان ایلدکارینه و شیخ الاکبرک وفاتی ایسه هر حالده شیخ کشتی یدن مقدم یعنی (۶۳۸) تاریخى اولدیغنه نظراً بوایونک (محی الدین عربی) نک وطن اصلیلری اولان (اندلس) قطعه سنده کی عربلر بیننده دخی (ستاره) اسمیله بنام اولهرق موجود ایدوکی اکلاشلور .

هر نه حال ایسه ظرفای عرفا بو او یون حقنده یک چوق تمثیلات ظرفانه یامشدر و بر چوق منظومه لری یازمشلردر . از جمله قره کوزک مزارى که بروسه ده ناظم مولد نبوی مشهور (سلیمان دده) مرحومک یاقیننده و (چکرکه) یه کیدن یولک صاغ جهتنده کورلمکده در . سنک مزارى اوزرینه یازیلان شو :

نقش صنعک رمزایدن حسنکده رؤیت پرده سی
خواجه حکم ازلدن در حقیقت پرده سی
سیرتی صورتده ممکن در تماشا ایلک
حائل اولماز عین عرفانه بصیرت پرده سی
هر نه یه امعان ایلله باقسدک اولور ایش اشکار
قیلش استیلا جهانی خواب غفلت پرده سی
بوخیال عالمی کوزدن یکیرمک در هنر
نیجه قاره کوزلری محوایتدی صورت پرده سی
شمع عشقله یاندیروب تصویر جسمک در کچن
آدمی آمدشد ایتمکه عزیمت پرده سی
هانکی ظله التجالیته سک فنا بولماز عجب
اوینادان استادی کور قورمش محبت پرده سی
درکه آل عباده مستقیم اول (کتیری)
کوستر وحدت ایلین قالدقده کثرت پرده سی

منظومه سی که الحق شایان دقت و ایمان در .
(شیخ کشتی) [۱] نک دخی عرفادن بولندقلرینه (کلشن) اسمنده کی اثر عارفانه لرندن منقول شو :
« عدمسک اول عدمده سنده ساکن
بولماز واجبه معلوم ممکن »
بقی شاهددر .

[۱] (شستر) عجستانک خوزستان ایلتنده بر شهر معروف در . معربى تستدرکه کبار متصوفه دن (سهل بن عبدالله تستری) بورایه منسوب در . عثمانیلرک هوای میاننده (کشتی) قولانیلمقده در .

آئیده کی منظومه دخی ملامه خیال حقنده سويلنش عبرت آمیز
اناردن در :

« بوبرده چشم اهل ظاهره بر نقش صورت در
رموز اربانه اما که تخیل حقیقت در
جهانه بکزه دوب شیخ کشتی بوبرده بی قورمش
مشابه آیلش اجناسه تصویری نه دقت در
هوادر صفایه نشئه بخش آیلر بونک سیری
حقیقت بین اولان ارباب طبعه عین عبرت در
نه وار بیلر ورای پرده ده کیمسه بودر تحقیق
لسان حال ایله حال جهانی بر حکایت در
اگر دقت اولورسه قاره کوزله حاجی ایوازه
مان فهم ایدن اهل کاله باشقه حالت در
نیجه معنی اولور ملحوظ تحشده بونک سیر ایت
نکاتن اکلاسون اهل دیو عرض نزاکت در
سونجه شمع اشخاص صور نابود اولور بردن
جهانک بی بقا اولدوغنه ایشته اشارتدر »
دیگر :

« شمع شادی یانجه جلوه زادر پرده من
پرتو فیض صفاله روشنادر پرده من
هر دقیقه جالب حیرت مناظر عرض ایدر
بر تماشاخانه عبرتادر پرده من
شمع مزده پرتو فیض حقیقت آشکار
خیره ساز دیده اهل دهادر پرده من
دیده لر روشن ، کوکلر ذوقیاب اولسون بوشب
انشراح افزای بزمه آشنادر پرده من
کله اول چشم سیاهم خنده لر پیدا اولور
جلوه کاه شاهد ذوق و صفادر پرده من »

بررسی محمد ظاهر بن رفعت

حقوق

مبعوثلر نصل مذاکره ایدرلر ؟

— مابعد —

تجیل تکلیفی حقنده یا پیله حق معامله دخی تفصیلات آئینه دن
آکلاشلور .

ایکینجی مقام صدارتدن مورود لایحه لر در که امر مهم تشریعه
تعلق ایدر . بونلرک مذاکره سی ایکی صورته اولور . زیرا بولایحه لر
یا تجیل مذاکره دایر بر طلبی محتویدر یا بویله بر طلبدن عاریدر .
برنجی احتمالده رئیس اول امرده بوجهی موضوع بحث ایدرک شو
طلبک قبول وعدم قبولی هیئتدن صورار . قبول اولورسه باقیلور .

بوخصوص ایچون مقدما تشکل ایتش برانجمن وارسه لایحه اورایه
عکس تقدیرده شعبه لر دن برینه حواله اولور .

کرک شعبه وکرک انجمنجه غیر مستجل ماده تقدیم مذاکره سی
اجرا و مضبوطه لازمه سی رئیس اعطا اولور ، تجیل طلبنه مقارن اولان
قانون لایحه لر ی حقنده مذاکره بردفعه جریان ایده جکندن هیئتجه عموم
مندرجانی اوزرینه اجرا اولنده حق مذاکره بی متعاقب ماده مذاکره سنه
کیلوب کیلامی خصوصی طرف ریاستدن صوریلور . عدم موافقت
طرزنده جواب آلیرسه لایحه رد ایدلش اولور . موافقت حاصل
اولورسه هر ماده و تفرعاتی - واریسه - برر برر مذاکره و هر بری
اکثریتله قبول اولدوقدن صکره هیئت مجموعه سی حقنده آرایه مراجعت ایدیلور
اتنای مذاکره ده تمبدیل و یا علاوه دایر بر تکلیفک در میان اولنسی
حالنده اسباب موجهه سی صاحبک بجای بیان ایتسی مقتضی اولوب
بو بایده اتخاذه ایجاب ایدن قرار متقدمدن اول بر معامله استثنایه
کوریلور . یعنی تکلیفدن صکره و قنیه انجمنده مضبوطه یازان ذات و یا
وکلاهی دولتدن بری کیفیتک انجمنه حواله سی طلب ایدر ایسه قرار
متقدمه حاجت قلمنسرین امر حواله اجرا اولور . بویله بر طلبک عدم
موجودتی حالنده ینه قرار مذکور استحصال اولنمزدن مقدم مضبوطه
محررینک بو بایده کی مطالعه سی صوریلور . قرار متقدم نظر مطالعه یه
آلتق خصوصی منبع ایسه تکلیف واقع انجمنه حواله ایدیلور .

اعضالر صوک قراره دکن مذاکره نک هر حال و درجه سنده
ملاحظات عمریه ده بولنه بیله جکلری کی هیئتجه تصحیح عباریه لزوم
کورلمی حالنده لایحه نک انجمنه اعاده سیده مجازدر . مع مافیه انجمنجه
طلب وقوعده اعاده مجبوریدر . شوقدر که تصحیحات لازمه بلا تأخیر
اجرا اولنلی و لایحه مصححه مسارعه هیئت اعاده ایدلیدر . شوااعاده دن
صکره یا پیله حق مذاکره یا لکنز عباره مذکوریه انحصار ایدر .

ایکینجی احتمالده یعنی طلب تجیلک فقدان حالنده لایحه هیئتجه آرزو
ایدلیدی تقدیرده علناً قرائت ایتدیرلرکدن و تقریر ایله برابر طبع
ایتدیرلرکک نخلدر اعضالر توزیع ایدلرکدن صکره لایحه نک باحث
بولنرینی خصوص ایچون مقدما تشکل ایتش برانجمن وارسه اورایه و عکس
تقدیرده شعبه لر دن برینه حواله رسمیه سی رئیس جانبدن اجرا ایدیلور .
شعبه حواله حالنده کیفیتک تدقیق ایچون هر اعضایی بر شعبه دن
منتخب اولق اوزره بش ذاتدن مرکب برانجمن وجوده کتیریلور ،
مصلحتک درجه اهمیتنه کوره هیئت عمومیه نک قراریله بومقدارک ایکیشر
آلتق صورتیه اونه اوچر آلتق صورتیه اون بشه ابلاغی جائزدر ، موازنه مالیه
قانونی ایچون تشکل اولنان انجمن هر حالده اون بش ذاتدن ترکیب ایدر
(موازنه) انجمنی نامیه دیکر لرندن تمیز ایلر .

هر شعبه کوندره جکی اعضایی اتخاذه دن اول انجمنک اشتغال ایده جکی
خصوصی نظر امعاندن کچیرر . اکا کوره اعضا سی اتخاب ایلر [۱]
وانتخاب ایده جکی اعضانک دیکر ایکی انجمنده ایضای وظیفه مأمور

[۱] اتنای مذاکره ده اتخاب اعضا کیفیتک هیئت عمومیه جه اجراسی
تکلیف اولورسه تکلیف سائرده جاری شروطه رعایتله بو بایده برقرار
مقدم اعطا اولنسی لازمدر .